

而逐之異其改也豺狼獸心終焉不變朕非黷武必拯邊氓  
丙申設底兀刺宣慰使司先是大古刺宣慰使潑的那浪據  
其地故底兀刺土官之孫納蘭詣闕自陳詔復之給符印  
丁酉滿刺加國王西哩麻哈者率其妃及頭目人等來朝  
庚子選庶吉士徐賢何忠諱理李芳蔡英葛陵仍隸翰林院  
譯書  
甲辰南京重建天禧寺賜名大報恩寺為 高皇帝 高皇  
薦福 上自勒碑  
四月丁未贈靖難時戰沒武臣

戊申告郊廟親征阿魯台皇太子監國

己酉 上發北京次唐家嶺

辛亥夜大星光青白出閣道南入室宿

壬子秦王志垣薨王薨而能自立稍長溫恭孝敬謚曰僖


癸丑 上度居庸關

乙卯皇太子賑直隸吳橋縣饑民粟一千四百四十五石

丁巳 上次土木陝西行都指揮使劉廣為右軍都督僉事

署行都司事

己未 上次長安嶺享諸將





壬戌黃壽節次赤城縣禮部請賀 上不許曰朕方勞于師  
丁卯皇太子進吏科給事中張瑛禮科給事中戴給事綸為  
左春坊左中允


庚午 上次隰寧忠勇王金忠所部指揮同知把里禿等獲  
謀云阿魯台且度塔蘭納木兒河趨漠北以避 上曰寇  
不遠速進陞把里禿都指揮僉事

五月乙亥朔次威鎮過李陵城已四十里命翰林侍講王英  
視李陵城碑在城北門出土尺餘發視之曰李陵臺駟令謝  
君德政之碑其陰刻達魯花赤等爵氏 上恐異日為爭

端碑其碎其石

河南濬縣蝗知縣王士庶禱于八蜡祠自責越三日有鳥萬  
喙蝗盡皇太子聞而喜之曰誠之所格何求不得

己卯次開平 上見士卒沾濕寒有後來者命諸將卹士  
壬午遼王植薨植母妃韓氏洪武二十五年封廣寧邊 初  
至樹柵已命郭英築宮城英督工下 太祖罷役三十年都  
督楊文治宮城命高壯其城門王諳兵屢奏功見褒賞建文  
中坐罪奪祿 上靖難王有翊衛功改國荊州別給一護衛  
而故三護衛留防邊年 謚曰簡





甲申 上夢神一再告曰上帝生好旦召問文淵閣大學士  
楊榮金幼孜曰何祥也豈天屬意此寇部屬耶皆對曰 陛  
下除暴安民亦好生也或者火燃崑岡玉石俱焚上帝之意  
惟 陛下詳之 上即命草勅使中官伯力哥等諭其部落  
曰往者阿魯台窮極歸朕及朕所以待之者爾等所知朕何  
負此而比年以來寇掠我邊鄙度留我蒸庶誰之過與朕間  
者以天人之怒再用率師當是之時如狗將士之志爾等復  
有餘命朕體好生驅之曠遠獸心不悛荼毒增甚今王師之  
來罪止阿魯台一人有能順敬天道輸誠來朝朕待以恩禮


仍授官秩聽擇善地毋懷疑貳以遺後悔

乙酉命安遠侯柳升瘞道中遺骸 上親祭之

戊子諭諸將曰武有七德禁暴除亂是其首也又謂止戈今  
罪人阿魯台耳脅從之衆有歸降者宜悉意撫綏非特兵器  
向我師者縱勿殺

皇太子論法司頑民好赴京越訴今後非重事悉下巡按御  
史及按察司廉其實

壬辰次長樂鎮楊榮金幼孜侍 上曰漢高祖至柏人而心  
動朕次長樂思同樂也





甲午皇太子以山西行太僕少卿薛均為應天府尹兩淮寺

鹽運使司葉春為福建布政使右叅政

乙未浙江麗水賊周叔光福建政和賊王均亮等作亂眾二

千餘人兵部議調師楊榮金幼孜言民愚迫衣食偷活可撫

而散也否則兵之 上曰然下巡按御史及三司招諭之

丙申次清平鎮即元應昌路也大雨輜重後令諸將分接之

浙江處州知府新淦鄭子襄卒子襄由薦辟令青田有惠政

邑人乞留超處州愛民興學時患蝗虎禱于神雨三日蝗死

虎遁去小校吳米逃山中為盜數年朝議兵二千人且至亟

止之城外中自計捕之械京師處人始安性簡靜歷官三十

年不攜家同邑陳永年以戶科給事中令惠安廉謹自持俄

蝗至一夕傷稼數十畝永年仰天歎曰今之不職民何辜俄

群鳥而下啄盡絕之遂稔改遂昌治如惠安二年卒蔽日


夜大星光青白出北斗魁行至近濁

丁酉次清平鎮宴文武大臣命內侍歌 高皇帝御製詞五

章 上爵之曰此 先帝垂諭創業守成之難而示淫荒酣

酗之戒也朕雖軍旅君臣杯酒敢忘先訓諸臣皆稽首謝

上亦自作詞五章述奉天法祖勤政恤民之意





已亥次威遠川宴文武大臣命內侍歌 上所作詞五章群  
臣皆頌稱善 上悅俱沾醉

皇太子免江南揚州直隸廣平順德河南湖廣等處累歲水  
災逋租計十八萬六千三百四十二石有奇  
夜有大星青白光燭地起東南雲中至西北雲中聲如砲

六月甲辰朔 上次祥雲屯

癸丑次金沙爨寧陽侯陳懋得胡馬九匹進 上曰彼詐其  
益防無怠

甲寅琉球國山南王他魯每入貢

丙寅次寶屏山諭諸將令深入 地益謹備


戊午次玉沙泉以荅蘭納木兒河近令諸將嚴兵毋忽

皇太子遣視通州灤縣香河武清雨災傷稼

己未次龍武罔寧陽侯陳懋忠勇王金忠率師前進至荅蘭  
納木兒河不見 蓋遁久矣命英國公張輔成山侯王通分  
兵大索仍命懋忠前覘之 上駐河上

皇太子以司經局洗馬姚友直為左春坊左庶子司直郎王  
文貴為司經局洗馬

壬戌次蒼石岡張輔等分兵索山谷周迴四百餘里無一跡





癸亥次房坡陳懋金忠兵抵白邱山糧盡返張輔等曰請假  
臣一月糧深入必得之 上曰朕更思

甲子次雲翠屯召諸將曰今出塞已久人馬俱勞下所存  
亡幾茫々廣漠若海探粟朕不窮追也遂令班師

設遷曰 文皇帝漠北之駕回矣庚寅甲午間義旗雲舉  
長轂雷奔蓋雪臚胸之憤勢不容緩迨本雅失里滅于前  
阿魯台臣于後瓦刺三王交臂弭耳或零下剽竊未敢發  
射天之矢辛丑既北邈無一跡亦可高居庸而橐開平矣  
又煩甲辰之役者何也甲士三十萬再來往于無人之境

而于狡胡無所損而車傾馬殆吏憊民痛所殘若中原誠  
不知几何矣上帝好生默牖其衷豈徒然哉豈徒然哉

乙丑命諸將東西二路以歸 上東行武安侯鄭亨等率步  
卒西行期會開平


丙寅次蒼玉澗勅警備殿後

己巳夜大星青黑色發壘壁陣行至危宿有一小星隨之

辛未夜有大星青赤光燭地起自造父行入天市東垣

壬申南京地震

七月丁丑夜有大星青白光燭地起天梧行至天市西垣





庚辰 上次清水源命刻紀行于高堰時 上偶不豫

癸未占城國入貢

夜有大星青白色出自危宿行至近濁

乙酉次通津戍地行多糜子騎將犯之 上適見止馬凡種

藝俱勿犯

丁亥次翠微岡 上御行幄憑几楊榮金幼孜侍 上問內

侍曰海壽至京師有几程對曰秋中可至 上頷之已而諭

楊榮金幼孜曰東宮習政事朕還京且就間矣因賜酒

戊子次雙流灤書諭皇太子詔告天下

己丑次蒼崖戍 上疾甚顧謂左右嘆曰夏原吉愛我其令

大軍戒嚴

庚寅次榆林川 上大漸遺命傳位于皇太子其喪服禮儀

一遵 高皇帝遺制

夜有大星赤光起奎宿行入參宿尾炸跡散衆星搖動

辛卯 上崩年六十五文淵閣大學士楊榮與太監馬雲等

以六師在外秘不發喪液錫為柩含斂畢載以龍輦盡殺錫


工滅口所至御幄朝夕起居上食如常儀榮遂馳訃皇太子

李維楨曰 文皇帝之興也蓋類唐宋两太宗至誅夷死

國權

永樂二十二年

十






事臣及于十族則二宗不為為矣勝國租庸鮮少閭閻有  
餘蓄海內初定府庫多奇羨故三犂一庭費無萬數民不  
知疲所下東西南諸夷數十國振動服從稱遠邇而等朝  
貢其亦高皇帝之餘烈耶夫開國靖難人薰猶也功廷  
楹也乃其子孫享有茅土靖難倍蓰開國豈非天哉  
朱國楨曰湯武革命順乎天而應乎人至文皇帝再見  
抑湯武所遇桀紂以臣加君猶有慚德文皇帝所遇建  
文仁主也君臣而叔侄雖兵戈倥偬中生也稱臣歿也禮  
葬比南巢之放黃鉞之斬何啻天淵然則誅夷之慘諸臣

實激成之不得不激捐九族植綱常無負建文文皇帝

直曰草除云爾心知威能行一時不能行後世日急續  
太祖之舊緒無頃刻敢自懈祖訓云皇帝之勞不若親王  
之逸其信然矣然則兵之起也以救死得聖之權二十二  
年之經營以光大業得聖之時諸臣之僂也以定人心得  
聖之威而過焉者也

何喬遠曰明興二百餘年于茲臣子論及成祖尚有武  
未盡善之疑豈知太祖弘謨遠烈非成祖繼之則都  
必不北必不威四夷必不賓服中外制度必不宴然一





尊于後世夫拘孿之行豈所以論上聖之主哉 成祖居  
以唐太宗自擬有唐家法則非我儔蓋湯武耶蓋湯武耶  
設遷曰 高皇帝在天之靈歌舞謳思方切海內而北平  
曾不返顧擱馬舉兵振臂疾呼用晚家禍雖茹薇之士飲  
血之臣搖舌鼓吻終我未諒然鹿走山林命懸庖厨設狗  
咫尺之義幽圉之下寧有天日哉 帝所以振袂而起犯  
不諱于天下也凝命之後恪遵祖訓而藩戚之間弦不得  
膠刀鋸弓旌以甄懲臣民者猶昔日也蠲租課吏飭旅闡  
文不啻過之至于航鯨海之險軺西域之傳觸風露歷寒


暑 帝豈有無勞民之懼哉逆取順守積疑在心窮極王  
略威振殊俗不惜垂堂之戒身冒埃霧莫憑一怒之力銷  
嫌而弭外寇彼解縉書生方賓肉食烏足以知之噫天樞  
北垂銅柱南附而閣輔以籌之河漕以緯之為國家無窮  
之利益創獲也已

壬辰龍輦至雙筆峰

辛丑夜大星青赤光燭地起天困行至近濁有一小星隨之

壬寅次武平鎮

八月癸卯朔龍輦度開平





甲辰文淵閣大學士兼翰林院學士楊榮御馬監少監海壽  
至自行在致大行皇帝遺命于皇太子慟幾絕易服宮中設  
几筵朝夕哭奠授皇太孫以東宮圖書曰此先帝之所賜  
也今授汝識封事令赴開平迎喪節制行營諸官軍  
乙巳百官素服臨思善門外

皇太子傳諭都督李謙等以山西兵還大同


丁未皇太子成服

己酉龍輦次鵬鶚堡皇太孫至御營哭迎始發喪


辛亥臣民哭迎居庸關

壬子及郊皇太子諸王及群臣衰服迎哭至大內奉安仁智  
殿加斂納梓宮


設遷曰大行故事有遺詔榆木川之變殆聖情遠豫倉皇  
中不及有所命也古帝王自軒轅舜禹外有周昭王之漢  
江秦始皇之涉邱六龍空返哀纏內地若黃沙白草攀號  
無從函蓋以來獨文皇帝也嗚呼自封燕之日受命北  
征者數矣習其地利其人遲暮之年猶有壯氣不升遐  
不止也所幸黃竹雖歌白登未厄為後之計天子有道守  
在回夷哉








國家圖書館, NATIONAL CENTRAL LIBRARY, TAIWAN, R.O.C.












國家圖書館, NATIONAL CENTRAL LIBRARY, TAIWAN, R.O.C.




TIFFEN Color Control Patches

© The Tiffen Company, 2007


Inches 1 2 3 4 5 6 7 8  
Centimetres 1 2 3 4 5 6 7 8

Blue	Cyan	Green	Yellow	Red	Magenta	White	3/Color	Black
[Blue patch]	[Cyan patch]	[Green patch]	[Yellow patch]	[Red patch]	[Magenta patch]	[White patch]	[3/Color patch]	[Black patch]







國家圖書館, NATIONAL CENTRAL LIBRARY, TAIWAN, R.O.C.













國家圖書館, NATIONAL CENTRAL LIBRARY, TAIWAN, R.O.C.













國家圖書館, NATIONAL CENTRAL LIBRARY, TAIWAN, R.O.C.










國家圖書館, NATIONAL CENTRAL LIBRARY, TAIWAN, R.O.C.







國家圖書館, NATIONAL CENTRAL LIBRARY, TAIWAN, R.O.C.












國家圖書館, NATIONAL CENTRAL LIBRARY, TAIWAN, R.O.C.



Inches 1 2 3 4 5 6 7 8  
Centimetres 1 2 3 4 5 6 7 8 9 10 11 12 13 14 15 16 17 18 19 20



**TIFFEN** Color Control Patches

© The Tiffen Company, 2007

Blue	Cyan	Green	Yellow	Red	Magenta	White	3/Color	Black
[Blue patch]	[Cyan patch]	[Green patch]	[Yellow patch]	[Red patch]	[Magenta patch]	[White patch]	[3/Color patch]	[Black patch]




國家圖書館, NATIONAL CENTRAL LIBRARY, TAIWAN, R.O.C.






國家圖書館, NATIONAL CENTRAL LIBRARY, TAIWAN, R.O.C.






國家圖書館, NATIONAL CENTRAL LIBRARY, TAIWAN, R.O.C.





3193395 v.12


國家圖書館, NATIONAL CENTRAL LIBRARY, TAIWAN, R.O.C.







國家圖書館, NATIONAL CENTRAL LIBRARY, TAIWAN, R.O.C.






仁宗敬天體道純誠至德宏文欽武章聖達孝昭皇帝 諱高熾  
太宗文皇帝嫡長子也 洪武十一年戊午七月生鳳陽乙亥  
閏九月壬午冊為燕世子 端重沉靜嗜學無厭時秦晉燕周  
四世子 高皇帝皆教而誡之異日者使分閱衛士世子還  
奏後問之對曰寒甚士方食 高皇帝喜使閱章奏擇其有  
大體可施行者報命 高皇帝益愛之癸未燕王起靖難世  
子居守北平堅拒李景隆兵壬午燕王即位尚以世子守北  
平永樂甲申二月召立為皇太子而弟漢王高煦趙王高燧  
趙王幼以聰敏愛漢王用靖難功幾得立為太子謀奪嫡者

數矣中官黃儼江保數為趙王短太子於 成祖成祖遷都  
北京五出塞南京事悉屬太子晚節多疾僉人讒構益殆宮  
僚若楊士輩下之獄贊善梁潛司訓周冕至瘦死然太子益  
恭順亦賴士奇蹇義夏原吉羽翼之或曰殿下知讒人乎曰  
不知也知為子耳其監國值水旱饑荒軍民疾苦戚馬賑卹  
之暇與宮僚鄒濟王汝玉徐達述等講說詩書脩詞賦之業  
日記萬言詞翰並精令聞久洽天下繫心焉

八月甲辰文淵閣大學士兼翰林學士楊榮御馬監少監海壽  
以大行遺命至北京皇太子慟絕強拜受命尚書蹇義大學





士楊士奇議合行事宜嚴京城守衛命皇太孫迎梓宮開平  
丙午令從征寧陽侯陳懋陽武侯薛祿領隨駕三千騎亟回  
京否則選各營萬騎回時京師守卒不數千也

丁未太監王貴通率下番官軍赴南京鎮守

釋前戶部尚書夏原吉獄召至始聞宴駕伏地哭復其官

癸丑臣民上章勸進

丁巳皇太子即皇帝位詔赦天下以明年為洪熙元年

戊午命英國公張輔領中府陽武侯薛祿領左府安遠侯柳

升領右府寧陽侯陳懋領前府成山侯王通領後府安平伯


李安筦四川都司事  
中軍都督僉事任禮筦廣西都司事前  
軍都督僉事馬瑛改後府諭曰卿等先朝勲舊朕託腹心焉  
復刑部尚書吳中右侍郎楊勉官  
徵鎮守大同宣府都督僉事劉鑑王玉還命都指揮使王禮  
鎮守宣府

己未武安侯鄭亨鎮守大同保定侯孟瑛鎮守交趾襄城伯

李隆鎮守山海關武進伯朱榮鎮守遼東俱充總兵官

置太師太傅太保階正一品少師少傅少保從一品曰予冲

人賴焉亦皇祖之制也蹇義為少保兼吏部尚書加英國






公張輔太師皆給二俸

文華淵閣大學士兼翰林學士楊榮為太常寺卿金幼孜為  
戶部右侍郎俱兼秩如故左春坊大學士楊士奇為禮部左  
侍郎兼華蓋殿大學士前右春坊大學士兼翰林院侍讀黃  
淮為通政使兼武英殿大學士榮以下皆掌內制不預外司  
經局洗馬兼翰林院編修楊溥為翰林院學士前司經局正  
字金問為翰林院脩撰  
庚申工部尚書李慶改兵部禮部尚書金純改工部南京兵  
部尚書趙鼎改南京刑部南京禮部左侍郎胡濙改禮部工

部右侍郎郭璉為吏部左侍郎刑部右侍郎張本為南兵京  
部尚書兼南京都察院事吏部右侍郎師達為南京戶部尚  
書兼南京吏部事大理右丞鄒顏為禮部右侍郎都察院  
寺  
右副都御史虞謙為大理寺卿

工部右侍郎伏伯安督木潞河私駟丞妾某氏先生罰例赦  
復不許謫湖廣荊門州知州  
夜大星青白光色見玉井

辛酉鎮守廣遠侯西鎮遠侯顧興祖充總兵官仍率湖廣  
西貴州官兵勦廣西寇





府軍前衛指揮使山雲為中軍都督僉事戶部左侍郎古朴  
為南京通政使李至綱為左通政

刑部右侍郎楊勉以先導同獄指揮林茂虛詞降山東布政  
司右叅政

中都留守都指揮僉事牛諒以從武安侯鎮守山西大同  
司  
憚行詭詞奏曰令臣獨任事乎抑為隸乎 上怒謫成交阯


壬戌進鎮守雲南等處黔國公沐晟為太傅

中軍都督僉事譚廣為左都督鎮守宣府請五千騎分屬都  
指揮崔聚武興董興張政唐銘阮真各領千騎遞往備指揮

禦三月而代從之 是月癸亥于闐入貢

甲子賜漢王趙王書曰 大行皇帝所遺冠服諸物氣澤存  
焉啟視甚痛謹以皂紗衝中帽一黑氈直簷帽一并金銀頂  
子茄藍間珊瑚金棗花帽珠一串金相雲鴈犀帶一金相玉  
穿花龍條環一并紫線條金事件象牙頂轆花靶鑷鈇刀副  
一紵絲羅紗衣各一襲皂麂皮靴一雙并五綵綉抹口襪斜  
皮靴一雙并襪送賢弟朝夕瞻奉以慰哀慕

汰文官冗員 上曰古稱官不必備今冗矣抑復有老疾昏  
懦徒急賢廉心其令在內堂上官在外巡按御史及按察司





廉察不勝者罷之

六科給事中劉穆劉秉李文殊李實張玉林道安魏凱陳永

昌陳玘劉昌俞 齊鄭得皎王斌員等俱不謹謫縣丞

乙丑召漢王高煦 夜月犯火星

丙寅進寧陽侯陳懋太保 是月琉球中山王入貢

後軍都督僉事梁銘為都督同知燕山前衛指揮沈清為都

督僉事

戊辰宥罪有戌未至者

光祿署丞王彛署正張原俱為寺卿署丞馬式為金吾前衛

指揮僉事

己巳許文官年七十致仕儒兄有疾雖未七十除名著為令

庚午鎮守四川右軍都督同知李敬目廢致仕

辛未郭晟嗣成安侯 郭亮之子 陳鍾嗣泰寧侯 陳圭之孫 薛

綬嗣永順伯 薛斌之子

故清遠侯王友子順特授羽林前衛指揮僉事

壬申禮部尚書呂震兼太常寺卿


都指揮使把台為後軍都督僉事

九月癸酉朔奉 仁孝皇后主于几筵遵先命也

國權

永樂二十二年

六






山西按察使番禺陳諤初按湖廣攬撥楚王細牧上素厭之至是降浙江海鹽知縣諤永樂五年貢士授刑科給事中時呼大聲秀才彈劾不避權貴癸巳署通政司踰年署應天府以嚴治坐忌調湖廣按察使及貶海鹽明年遷荆府長史上忽問左右往大聲秀才安竟未及召宣德中除江南鎮在江府同知致仕

袁表曰陳公以犯顏敢諫屢瀕于死文皇仁皇之明幸躡而復奮然竟齟齬坎壈其身直道三黜展禽豈欺我哉林之盛曰陳公之鯁直九死不移宜其簡在帝心徒以執政

政不悅而竟不果召惜哉洪熙之初三楊秉國而忤慎如此何名為賢相大抵直士多不容分宜江陵之際苦口者往得奇禍則陳公之得保其身猶為大幸何喬遠曰周新陳諤挺然官下而諤吏持稜不利然亦一逐衆為鳥獸乎獻予傳諤而國初簾陛之間亦一奇也諤任內外大小無常職令人當擇官而為之矣

定用鈔中監例

交趾叅將榮昌伯陳智等奏黎利走老撾復走寧化之瑰縣官兵追勦頭目范仰等來降男女一千六百餘人黎利雖云





率男女四百八十餘人來降止于清化之俄樂縣且繕兵當  
追討命招諭之還土若怙終另以聞

掌交趾都司都督同知方政擊黎利于乂安之茶龍州昌江  
衛指揮同知定遠伍雲深入死之命禮部贈卹

甲戌蜀長孫友瑄來朝

夜大星青白光見南斗魁

乙未翰林院侍讀王直為侍讀學士侍講王英為侍講學士  
脩撰林誌檢討錢習禮為侍讀檢討余學文五經博士王達  
為侍講

後軍都督同知梁銘都指揮使陳懷鎮守寧夏

奪遠安王貴燮巴東王貴煊歲祿之半父死不奔喪也

弛西山樵採之禁 上曰京師數百萬家非山何薪自天壽


山接居庸關之東餘聽樵採焉

通政司引奏六科歷事監生二千人考吏事稱宜送吏部授  
官 上曰吏事末也士當博古窮經修己治人之道其令達

還學于國子由科舉進

夜流星見弧矢

丙子作趙王邸于河南彰德





勅諭掌交趾布政按察二使司事工部尚書黃福曰卿老成人之勞在外亟駟還副朕延佇叅贊交趾軍務兵部尚書陳洽其代之

禮部右侍郎郭敦改太僕寺卿工部左侍郎李友直降順天府丞太常寺少卿王勉降鴻臚寺右少卿太常寺丞康禔傳霞岫降禮部主事

通政司左通政李至剛降福建興化府知府右叅議朱紹祖欽州知州俱居 大行皇帝喪不齋宿

太常寺丞馮仲彞妄言甥女為謫仙特降江西南康府照磨

丁丑夜大星見天市東垣青白色

戊寅夜有大星見天津色青白

己丑行人周彞使琉球

毛憐衛指揮使猛哥不花以從征有功為右軍都督僉事


庚辰召韓王冲燧襄陵王冲炆及其弟冲焚入京師

免祥符陳留鄆陵太康陽武原武水災今年田租仍命右都

御史王彰都指揮同知李信往鎮撫軍民訪奏利病

工部徵民布漆脩治兵器 上以方詔恤民止之給官直

辛巳上 太宗體天弘道高明廣運聖武神功純仁至孝文





皇帝仁孝慈懿誠明莊獻配天齊聖文皇后尊謚

左通政樊敬為刑部左侍郎

壬午頒謚詔

諭曰比年丹漆之類石青所司不究物宜槩徵郡縣而郡縣官又逼迫小民鳩斂金幣詣京師傳易商販乘時射利踊價十倍更復蠶緣自肥計民費千百朝廷得十一耳自生計直所產地以官市料斂者誅

癸未禮部尚書兼太常寺卿呂震奏喪服踰二十七日宜易線如遺詔不許命與六部都察院議之云宜素冠黑角帶群

臣同之報可及視朝上仍緣英國公張輔及諸學士臣如

上服上曰群臣從便朕則不忍因歎張輔武人也審禮

追謚故遼王植曰簡


甲申漢王高煦至京

湖廣布政使左叅政李素為都察院右副都御史復李友直為工部右侍郎

夜大星見太微垣色青白光燭地

乙酉群臣請立皇后

增諸王歲祿大賜諸王公主金鈔幣上曰諸叔在者無幾





兄弟惟趙王居京師他皆藩外朕旦夕念焉戶部其各益祿米差次之

遣鎮守交趾中官山壽賈勅諭交趾頭目黎利蓋壽力言黎利善已請往諭之如諭而不來臣甘罪故命之

誅光祿寺丞蕭成光祿寺卿井泉除名時採南京玉面狸忤旨下御史劾成等盜內府物當死蓋上有夙嫌以永樂十八年入朝先帝遂其庖者二十人稽其故為泉等奏上也其奏署丞王鴈書遂斬成鴈餘俱削籍寺丞郝郁為寺卿張澤為少卿

安徽靈璧縣丞田誠九載考最邑人乞留上曰民留其政可知加州判官仍丞靈璧

丙戌給事中李謙等改按察使僉事知州知縣

安徽五河等縣大雨水免其田租

丁亥漢王還國


賜西天刺麻板的達僧錄司右善世智光為大國師各金印漢王右長史王榮改吏科左給事中荆府右長史曹曼齡為翰林院脩撰俱東宮之舊

復王勉太常寺少卿

國權

永樂二十二年

三





諭翰林諸儒臣曰比朝野物議何如有利害當興革者悉聞朕審可否紓民困焉

交趾都指揮同知臨淮陳忠擊黎利于清化戰死命禮部厚其恤典

戊子遂安伯陳英充總兵官往山海永平等處巡視關隘

襄城伯李隆守備南京

諭鴻臚寺卿曰朕欲聞吏賢否四方民休戚方岳來朝即引見朕親問之

孫傑視應城伯 孫岩之孫


湖南長沙人自宮求進不許令戍邊

己丑雲南按察使僉事吳廷用為刑部右侍郎

庚寅鴻臚寺右寺丞為寺卿

太常寺少卿周訥降交趾升華知府訥禮部郎中時請 太宗封禪至是來朝 上以其諛斥之

通政使左通政樂善言治水蘇松嘉湖杭常等府今年水災宜寬征待來歲 上曰若來歲併征民益困其令鈔布代租辛卯翰林院脩撰陳循為翰林院侍講行人司吳澤都察院司務吳良進士夏時馮敬焦起良張榮郭永清俱為給事中





漳河溢廣宗縣傷稼命賑恤之

壬辰兵部左侍郎崔行為四川左布政使

平江伯陳瑄言七事重國本擇賢能蘊民力興學校整軍伍  
謹邊防專漕運賜獎勅採行之有曰瑄言尋常耳 上曰出

自武臣所以難也所為獎掖導不言者古人蓋死馬骨也

建平伯高福卒福湖廣咸陽人父士文任都督僉事征交趾

中砲死贈伯爵子福嗣

宗人府經歷司黃琮致任琮嘗事上東宮至其閔其年老

癸巳趙王高燧請立太子報俟之

富陽侯李茂芳免為庶人奪三代誥命蓋茂芳母子譖上于  
先帝逆謀也

寧王權奏欲來朝又言江西非其封國 上書規之


甲午群臣請立皇太子未允

乙未大理寺右丞寺孫時為兵部右侍郎

諭兵部尚書李慶今太僕寺馬增數倍而畿民一夫或畜三  
匹回匹畢力于此耕桑盡廢其散馬給諸衛所及邊卒

丙申群臣再請立皇太子許之

進隆平侯張信少師






夜大星赤色見勾陳

丁酉進兵部尚書蹇義大學士楊士奇少保楊榮太子少傅  
置謹身殿大學士命兼之金幼孜太子少保兼武英殿大學  
士工科給事中陳山為左春坊左庶子左右中允張瑛戴綸  
為左右諭德 是月行聖公孔彥縉來朝 上曰四夷京師  
尚有館行聖公來朝儼民舍豈所以尊崇先師工部其賜宅  
南京鴻臚寺右丞李嘉為通政使左通政  
遼東都指揮僉事李賢為後軍都督僉事  
戊戌賜蹇義楊士奇楊榮金幼孜銀章各一日卿等事 先

皇帝有年今又從朕春宮軍國務重須卿等協理其或有闕  
政卿等群臣言之朕尚未從言此密疏再憚毋再三  
山東按察使鄧真僉事洪順乞令內外七品以上官各舉通  
經一人任教官從之

夜有大星黃白色見牛宿光燭地其聲如雷又大星見女床  
庚子大賚京師臣民軍人等

甘肅總兵官都督費瓛言安定曲先赤斤密落等處寇五千  
餘人于必立出江黃羊川殺我內使喬來喜等劫綵幣馬騾  
命勅責之





監察御史金岸言四事任賢固本講武裕民 上嘉納之

辛丑進忠勇王金忠太子太保

十月壬寅朔集僧道于廣壽寺靈濟宮薦奉 先帝后冥福

始命光祿寺三日賜衛士酒肉憫其寒也

草兩京戶部行用庫

上御思善門選宮僚進安遠侯柳升太子太傅成山侯王通  
陽武侯薛祿俱太子太保禮部尚書呂震太子太師戶部尚  
書夏原吉太子少傅兵部尚書李慶太子少保戶部尚書郭  
資兼太子賓客刑部尚書吳中工部尚書黃福俱兼詹事太

僕寺卿郭敦為戶部左侍郎吏部左侍郎郭璉俱兼少詹事

監察御史黃宗載艾良俱詹事府丞曾榮王英為左右春坊

大學士兼翰林院侍讀侍講王直為右庶子兼侍讀學士周

述林誌為左右諭德兼翰林侍讀左右諭德張瑛戴綸改司


經局洗馬刑部主事張宗璉中書舍人張侗俱左中允翰林

編脩徐永達<sup>林</sup>長楸俱左中允藺從善為國子監助教王讓為

左右贊善翰林檢討蔣驥中書舍人高穀俱左司直郎吏科

給事中蔣先國子博士張景良俱右司直郎 郭進改名璉

命蘇松嘉松等民今歲秋糧悉折輸布鈔如永樂五年故 災





事石輸布六匹鈔六錠

癸卯許民犯笞杖者輸鈔自贖以通鈔

命兵部下各都司督衛所官視城堡傾塞者繕修之

甲辰賜翊聖恭惠夫人守墓十二戶

諭禮部申養濟院之令諭曰 皇考時數下詔存恤鰥寡各

郡縣俱有養濟院比聞居室敝壞肉粟布絮不時給令守漠

不留心禮部令謹視之

乙巳復徐欽魏國公

朱國楨曰弇州謂中山王有令子是矣然又有孫如欽者

更可異焉欽方蒙恩襲爵 文皇帝此時亦謂易世氣平

可以相安矣乃乞守父墓不待命辭歸欽不負父與其父

并不負中山王性定固然庭訓之漸磨抑可知也當日

文皇帝之怒能泄于方齊諸族然終不能使之少屈而魏


國公父子悻悻相抗亦無如之何長公主牽衣大哭應之

大是跼踏雖得天下雖殺數萬人而終有大不安大不快

之處兼以江海使命紛紜漢趙效尤種種建文之不幸甚

矣亦豈 文皇帝之幸也耶

丙午蠲山東登州萊州通稅鈔代之自是告災者以為例





丁未監生李頰李庸為兵工二科給事中簡浙江江西福建  
廣東監生文學者試于翰林院得劉瑄等二十人分隸六科  
戊申勅各鎮守官及都指揮使勿擅離任所  
通政使請彙四方雨澤疏送給事中收貯 上曰 祖宗欲  
前知水旱恤民施政故令奏雨澤送給事是終不知也而徒  
勞州縣上章其封進


薊平峪徐蕭沛等處大水免今年田租賑浙江於潛樂清飢  
夜大星赤色見雲中

己酉立妃張氏為皇后并冊貴妃郭氏賢妃李氏惠妃趙氏  
淑妃王氏昭容王氏

辛亥古麻刺國王刺苾等入貢

壬子冊皇太孫瞻琪為皇太子及妃胡氏封瞻峻為鄭王瞻  
墉越王瞻塏襄王瞻垌荆王瞻塏淮王瞻塏滕王瞻垌梁王  
瞻垌衛王又封瞻坦漢世子瞻垌趙世子瞻垌賜王瞻域  
臨淄王瞻垌昌樂王瞻垌淄川王瞻垌齊昌王瞻垌任城王  
瞻垌海豐王瞻垌新泰王 以上俱漢王之子 瞻塏安陽王 趙

王子 志均嗣秦王孟焯嗣楚王友埭嗣蜀王瞻焯嗣肅王貴  
烱嗣遼王顯焯嗣伊王封蜀府悅焯永川王友埭黔江王友





堽羅江王代府遜焯潞城王遜堪山陰王遜炘靈邱王遜燁  
襄垣王遼府貴焯益陽王貴焯湘陰王貴賢衡陽王韓府冲  
賃樂平王潘府佶焯焯武鄉王佶燿陵川王佶焯平遙王  
癸丑免廣宗縣田租諭戶部凡災處即遣覈如不實罪有司  
自今俱視此例

甲寅府軍右衛指揮使張昶為中軍左都督指揮僉事張昇  
為後軍都督同知青州中護衛指揮僉事郭珪為右軍都督

同知 郭英之孫 徐景珩為中軍都督僉事 膺緒之子

乙卯罷鎮守江南徐州忻城伯趙彝

命吏部令京官七品外官五品以上及知縣五品以下現任  
官若軍民訪舉德性深篤行止端方或才能出眾政績昭著  
或文學有稱識見優長者量才任用蔽賢濫舉罪如律舉後  
犯贓連坐舉者  
丙辰忽石門衛指揮沙籠加來朝乞授頭目亦失哈指揮使  
上曰往時尚有為千百戶者今一朝遽授為指揮使彼必不  
安遂不許


丁巳工部右侍郎許 為左侍郎

蘇祿等國入貢

國權

永樂二十二年

三





召文淵閣大學士楊榮及金幼孜同法司錄囚承天門諭曰  
比年法司過濫朕未嘗不知所擬大逆不道者往、死刑至  
四五覆奏自今後死決重囚卿三人同之寃雖細必以聞  
戊午徹免遠安王貴燿巴東王貴煊並為庶人以前誣父不  
奔喪也

琉球國中山王世子尚巴志入貢

己未送岷王梗居武岡州

庚申命月增文武官吏軍士俸廩

交趾按察僉事胡虞為右副都御史山西按察僉事李謙為

大理寺右少卿

作南京都知監司禮監二印


辛酉禁民間私屠耕牛

壬戌故妃張氏贈順妃李氏贈麗妃追封皇子靜樂為莊獻

王瞻垠為蘄王改謚曰獻

大理寺左評事楊時習為大理寺卿右少卿李謙為左少卿  
降大理寺卿虞謙為右少卿以鎮撫司言其失也

禮部左侍郎胡濙上言十事勤庶政任賢良務節儉篤親、  
納諫諍明賞罰親經史守成憲嚴祀事精武備 上嘉納之





癸亥命五府選宿衛士

河南左布政使杜智為南京都察使院右都御史

左軍都督僉事冀傑鎮守北平等處

夜大星見天倉光燭地

甲子工部尚書金純改刑部刑部尚書兼詹事府詹事吳中

改工部兩浙轉都鹽運司判官向埵為左僉都御史罷尋

夜有大星見天紀

乙丑復向埵為都察院左僉都御史兼詹事府詹事

除渾源州逃民田賦

夜月犯內屏星

丙寅夜有大星赤光見郎位又見羽林光燭地

丁卯監生徐永縉何宣鄭彤沈寧伍志厚盧琛易善陳襄陳

應爰潘信桂瑄蔡錫陳耀屈伸孫郁吳信林簡劉瑄謝永獻


為六科給事中徐永紳何宣鄭彤伍志厚盧琛戶科善易陳

襄陳應爰禮科潘信桂瑄蔡錫陳耀兵科屈伸孫郁吳信林

簡刑科劉瑄謝永獻工科是月試歲貢生

戊辰上御西角門罷顧翰林諸近臣曰今日始寒朕與卿

等尚凜况其在邊乎遂賜緣邊諸將士鈔幣有差





己巳設長陵祠祭署

庚午諭吏部尚書蹇義曰武臣皆封贈祖考文名少得者君厚其臣必推及其父母 太祖太宗蓋行之其舉以勵忠孝 亶無濫

辛未滕府 長史姚友直為雲南布政司左叅政

郭鏞為中軍右都督

命勲臣嗣爵俱封贈


十一月壬申朔諭禮部曰建文中奸臣已僂其家屬初發教坊司錦衣衛浣衣局及習匠奴功臣家值赦俱宥為民還其田

土有言事失當謫戍者亦宥之

勅禮部勅諸學士命訓士通經成才始充貢毋徒取記誦

癸酉遣中官魯安等賜哈密忠義王免力帖木兒綵幣

諭戶部尚書夏原吉曰所在郡縣奏除荒田租將百姓苦征徭相率轉徙與抑年饑不足疫癘死亡與其自今一切科徭宜樽節政令不便者令有司條具災處其賑粟稽違者罪之 甲戌諭群臣曰朕之菲德又屬亮陰嗣位之初首詔求言累月涉旬中外無几夫京師首善地民困于下而不得聞弊膠于昔而不知草朕甚念焉君臣同體卿等無慮後謹嘉謨嘉





猷補朕不逮

擢秀才朱瑤為中書舍人

乙亥黎利不伏罪命叅將保定侯孟瑛榮昌伯陳智等討之  
遣諭兀良哈官民宥前過仍朝貢

大理寺卿楊時習為文陞按察使復虞謙大理寺卿峽山知  
縣戈溫為大理寺右少卿

許趙王去常山二護衛

丙子命公侯駙馬伯歲祿折鈔者支麥南京


諭都察院左都御史劉觀曰洪武中差遣御史賜衣鈔使自

潔正風紀今其如故事如復貪黷罪之

召諭大興宛平二縣官曰朕首罷一切不急之務爾京縣也  
而惠不先朕勅詢民瘼固有知不言亦有欲言而不知爾切  
近民亦何不知而亦不言約三日悉以便不便聞坐視者臯  
因顧侍臣嘆曰朕憂閭百姓而城內猶諱如此何況數千里  
之外哉此古人所以有無逸之戒也

丁丑陝西行都指揮使王貴都指揮僉事史昭等俱為右軍  
都督僉事

戊寅夜彗星入氐宿有大星見北河





更造內府護卒銅牌初以木

命兵部遣視各處驛傳仍巡按御史督視

夜有大星赤光燭地見于東井又有一星赤色見輿鬼

庚辰 上謂侍臣曰守成之主動法祖宗斯鮮過舉矣已命

募賜祖訓于諸弟

內宮馬騏傳翰林草勅付騏復往交趾聞銀辦金銀珠香翰

林院覆奏 上朕曰朕安得有此言卿等不聞其前毒交趾

乎騏歸交人如解懸倒今又可遣耶

設遷曰馬騏流毒交趾幸 上悉之卒不以罪或恐露

先帝之短至矯命事聞宜立下司敗正其積僞甘伏詐傳

之誅俾足儆後但一震怒後絕無深謹彼狐鼠輩又安所

顧忌耶 昭帝之仁、而過者也

夜有大星二一赤色見天因一青白色見河鼓


辛巳命刑部都察院凡罪廢吏令佃北京

上曰朕聞南京抽分廠積薪及龍江提舉司積竹木甚富今

京師得薪最難與久貯任腐敗何若散民歲用外工部悉鬻

之明歲應天府等蘆柴折鈔十之八

陝西右布政使涑水李得成致仕





永平山海餉足改大同中監

壬午韓王冲焮襄陵王冲焮樂平王冲焮各上詩頌勅褒答  
之

浙江按察副使趙緯來朝降為嘉興縣典史以前禮科給事  
中務掇人過失也

夜有大星青白光燭地見外屏又有一大星見騰蛇

癸未都督僉事沈清充叅將協守大同

遣監察御史湯榮等十四人分巡天下考察官吏諭曰蓋吏  
有媚上而殃下者有不阿而民悅之者有虐刑巧索能集事

者有廉潔自守不能弛張者人之才器其可槩哉夫御史朕  
之耳目也當審詢之勉副朕心因每人賜鈔二十錠


遼東都指揮使郭義都指揮同知李通俱為後軍都督僉事

甲申平陽王美圭來朝

上曰 皇考同氣無諸妯諸姑親諸叔子已冊封諸姑在南  
京賚而未名號其加寧國懷慶大名南康永嘉含山汝陽寶  
慶八長公主皆為大長公主戶部益食祿焉

錦衣衛指揮同知甘斌以占民田降福建漳州衛千戶

命吏部允所薦舉至必試而用之






前山西布政使左叅議郭良屢罪謫至是值赦例復官上  
問良曰貫高為人何如不能對遂除名蓋良官秦府訐王也  
乙酉安徽鳳陽府照磨李準為太子賓客兼兵科給事中蓋  
舊宮僚來朝

丙戌太子賓客戶部尚書郭資致仕勅曰卿事我皇祖皇  
考歷四十年列于六卿可謂盛矣怨叢而不暇顧害及而不  
知避忠貞篤實之臣也今老矣朕閔強勞特陞太子太師俾  
卿致仕嗚呼念先帝舉我時早莫從朕守城最為勞苦今  
命戶部免卿戶賦卿歸休強飲食慎醫學以娛暮齒賜金幣

進蹇義少師楊士奇少傅夏原吉少保俱兼秩如故呂震進  
太子太保劉觀吳中太子少保又賜原吉繩愆糾謬銀章  
夜月犯諸王星又有二大星色赤光一自北斗魁一見紫微  
西藩月下卿雲見

丁亥上御西角門閱京官誥詞顧楊士榮奇楊榮金幼孜  
蹇義夏原吉等曰卿輩皆先帝舊臣朕方倚自輔朕所行  
卿朝夕共見未善皆當盡言前代庸主自尊而惡聞過其素  
所親信但容媚順旨有良臣不默一再拒亦退滅口我君臣  
深戒之終始同心遂手益誥曰勿云崇高而難入勿以有所





從違而或急士奇等皆頓首謝 上悅

已丑靖江王府輔國將軍贊侃贊偕來朝班下 上顧見之

曰宗親也其班駙馬都尉次著為令

夜月犯輿兒

庚申勅諸將嚴邊 寅

禁教坊司樂人衣帽執違式

夜有大星二色青白光燭地一見墳墓一見華蓋

辛卯追封衛聖夫人楊氏故夫蔣廷圭保昌伯謚莊靖

削交趾叅將保定侯孟瑛爵奪誥券安置雲南以其兄賢前

謀逆

諭戶部尚書夏原吉曰 先帝立屯種法所以省民轉輸足

兵食所司數以征徭擾之其令天下衛所毋擅差遣屯田卒

工科給事中郭永清言五事曰今有司督里老百姓治田渠


桑棗曰豁軍伍絕戶曰內官內使非重事毋外遣曰禁江河

舟人帶兵器劫曰修學校壇廟並從之

山陽縣丞崔奎請召商各處官司納鈔支鹽本場從之

夜熒惑退犯五諸侯星

壬辰都督方政為叅將協守交趾





前北京刑部右侍郎宋性卒性山東德州人監生授刑部主  
事歷署右侍郎建文中以湖廣按察副使調陝西永樂三年  
任四川右叅政五年進北部所至以廉能稱

夜大星色赤見于人星

甲子夜有大星赤光燭地見八穀又有一大星見于危宿

乙未夜大星赤光見于人文

丙申翰林學士楊溥密疏言事 上納之賜札獎諭勞綵幣

一雙鈔千貫曰望卿始終如此

夜大星青白光見卷舌

丁酉召華陽王悅耀赴京

已亥 上為太子時不悅御史李祥舒仲成勅理木植課之

弊王汝玉預焉監國愛汝玉命祥等削其名不聽見答至是

蹇義奏仲成他事 上命捕治 上問李祥安在曰內艱矣


仲成時陞湖廣副使下臺獄楊士奇曰漢孝景為太子召衛

綰稱病及立不譙呵 陛下為太子時小人多得罪者今

已盡宥更追理令詔書不實望惜俊良共成王化 上悅曰

有卿如此朕復何憂曰降勅獎之曰朕慮卿不言卿導朕以

仁助朕以德惜良俊成王化此欲朕為唐虞君忠良股肱臣





也特賚白絮十石綵幣二雙鈔二千貫

夜大星青白光燭地見北河

庚子命安遠侯柳升陽武侯薛祿平江伯陳瑄皆世秩

南京工部右侍郎甄庸為尚書

永城縣河溢傷稼免去年田租

魏國公徐欽卒

上諭右順門諭楊士奇曰近知群臣助我也或快意行事方  
退悔而外疏及之甚善士奇對曰宋富弼有言願不以同異  
為喜怒不以喜怒為用舍 上曰然書不云乎逆于汝心必

求諸道朕恒念之群臣聞拂朕意退未嘗不反覆也朕言有  
失亦未嘗不改士奇曰改過不吝成湯所以聖也 上曰朕  
患不知有耳不患難改

夜大星色赤見騰蛇


辛丑滿剌加入貢

十二月壬寅朔左軍都督僉事

癸卯 上聞建文臣齊泰黃子澄臣等外家全成者曰俱蕪

命兵部家存一丁于戍所餘放歸治田

甲辰廣東按察副使陳勉為左副都御史





諭吏部曰師儒古稱模範比來國子生大率歷事諸司苟歲  
月圖出身卿等每引國子生監官猶資爾不聞舉一道德老  
成之士自今宜慎選

夜月犯十二國秦星有大星色青白光燭地見于七公

丁未詹事府丞黃宗載為吏部右侍郎大理寺右寺丞施禮  
南京大理寺右寺丞馮宗俱為大理寺左少卿南京吏部郎  
中嚴升為南京大理寺右少卿南京禮部郎中王羽為太常  
寺少卿山東道監察御史金庠為南京刑部右侍郎

都察院右都御史兼詹事向瑤言二事曰武臣襲秩嚴比試


更令保舉曰郡縣官犯公罪量罰其俸從之

禮科給事中黃驥言西域賈胡進貢病民乞陝西都司除哈  
密亦力把力撒馬兒罕等國貢使不過一二十人給駟庶甦  
疲氓又西域產馬餘碣砂梧桐榘之類無禪于國其為給軍  
餘勿聽受民貿易以省官費從之示其奏禮部尚書呂震曰  
驥嘗使西域故悉西事卿西人不悉耶

京衛千戶劉彪等七人當備禦遼東而逃命斬以徇

戊申夜大星色青白見天津

巳酉瓦剌賢義王太平貢馬





庚戌法司奏刑名畢召諭曰朕未嘗敢以喜怒損刑法卿等  
明信蒞之如朕一時嫉惡過中須執正毋慮乖迂

召故兵部尚書金忠子達故吏部侍郎許思溫子俊至賜衣  
食授達翰林檢討俊太常寺贊禮郎念故人也達才餘歲命  
支俸歸進學

辛亥列各都布按三司姓名于奉天門西序以時省覽  
諭夏原吉曰稼穡問農終問婦鈔法不通朕商卿兩日未  
決其間之間闔可榜通達許臣民各陳所見  
癸丑罷海子至西湖巡視官

命戶部馳諭各郡縣凡被災田王悉準永樂二十年山東通  
租例蠲其糧稅

江南常州大水免田租

命刑部都察院通政司錄贓官姓名藏之便稽閱  
大理寺右少卿弋謙辦事官程富各言事皆嘉納之

甲寅勅獎楊榮金幼孜以治大行之勞

乙卯梓宮發北京


夜月犯軒轅星有大星色青白見室宿

己未夜大星見天囷

國權

永樂二十二年

四





庚申葬 大行皇帝于長陵

夜月犯內屏星

壬戌夜月犯平道星

甲子琉球國中山王入貢

乙酉貴州左布政使蔣廷瓚被劾降左叅議

丙寅後軍都督僉事江浩卒

五河人燕山左護衛百戶從靖難功

廣西鎮遠侯總兵官顧興祖奏官兵討平樂潯州等賊斬一千九百餘級

丁卯漢世子瞻坦等來朝

戊辰欽州判官李灝為光祿寺少卿前光祿署官事東宮

通政使尹必用叅議顧謙下獄以省牲郊壇謙代必用也

左通政李嘉為通政使右叅議朱侃為右通政

己巳鎮守寧夏後軍都督同知梁銘封保安伯世秩祿千五

百石鎮守寧夏都指揮使陳懷為右軍都督同知仍鎮守

江西左政司左叅議夏迪為南京左副都御史

禮部令天下有司神祇壇廟年久傾圮者脩之祭器出堅


潔祭品出公帑毋斂于下仍巡按御史按察使以時聞

禮部尚書呂震請明年受大朝賀不允固請大學士楊士奇

國權

永樂二十二年

四十一





楊榮金幼孜黃淮進曰 陛下言是 上曰山陵甫畢何忍也震曰萬國遠朝皆欲一覩天顏聖孝誠至亦宜免狗 上曰禮過矣士奇等曰請無備禮 上從之 辛未鎮守雲南太傅黔國公沐晟及弟雲南都指揮同知沐昂來朝

國權

鹽官設遷孺木著

洪熙元年乙巳

正月壬申朔 上御奉天門徹樂

祭酒召楊士奇楊榮金幼孜黃淮等厚賜之曰朝會賴卿同心不從震請自今朕有未當者卿但直言毋慮乖迕

甲戌南京龍山進異芝禮部請賀不許


乙亥勅群臣各脩舉職事其有所知賢才者薦用

沐昂為右軍都督同知仍任雲南都司事

國權

洪熙元年

一





丙子駙馬都尉西寧侯宋琥削爵


大學士楊士奇兵部尚書太子少保兼武英殿大學士金幼  
孜禮部尚書俱文三俸

南京通政司古樸為南京戶部尚書南京禮部右侍郎蔚綬  
為尚書南京大理寺左少卿湯宗為大理寺卿

故少詹事餘杭鄒濟故左春坊左贊善天台徐善述並贈太  
子少保謚濟文敏善述文肅立祠于墓歲二祭濟國初舉明  
經訓導本縣薦入翰林脩實錄和易不見崖岸兼通釋上  
東宮甚寵遇之善述貢太學授桂陽州學正進國子博士永

樂初拜左司直郎進左贊善耿介不阿多弘啟沃先卒遣奠  
丁丑刑部尚書金純進太子賓客

中軍都督僉事馬聚後軍右都督譚青俱為左都督右軍都  
督同知高成後軍都督僉事馬瑛俱右都督右軍都督僉事  
楊澤倪寬俱都督同知山東陝西都指揮使高敬海亮為中  
軍右都督浙江都指揮同知徐甫為左軍都督同知大寧中  
都留守都指揮同知馮斌李得俱前軍都督同知山西行都  
司都指揮同知鄭銘為後軍都督同知河南都指揮同知高  
文為中軍都督同知都指揮僉事崔聚為左軍都督僉事祁





英為中軍都督僉事山東都指揮僉事孫勝馮興為右軍都督僉事陝西行都司都指揮僉事韓熙為前軍都督僉事後軍都督僉事李賢為右都督柴永正把台為左右軍左右都督吳成馬維良為後軍左右都督右軍都督僉事蘇火耳灰為左都督

戊寅後軍右都督李賢封忠勤伯歲支祿一千一百石

巳卯享太廟 夜月犯外屏星

作弘文閣于思善門鑄印翰林學士楊溥領閣事有建白以此印封識翰林侍講王進佐之初 上諭楊士奇曰朕欲別


擇端謹之士備顧問士奇薦進及吳人陳繼蹇義薦國子學錄楊敬訓導何澄授繼翰林院五經博士敬編修澄禮科給事中並直弘文閣

浙江都指揮使孫勝為右軍都督僉事陝西行都司都指揮僉事馮興為後軍都督僉事仍鎮守定州

庚辰夜火星留井犯有大星色黃白見壁宿

辛巳諭兵部 先帝聽民間畜馬有司急馬息民不暇及私今後畜官馬者二歲納駒一著為令 夜月犯諸王星

丙戌 上南郊始奉 太祖太宗配天地還朝奉天門行慶





成禮詔天下大賜宴

作天元玉歷祥異賦刊賜廷臣

夜大星色青白見角宿

丁亥夜月犯內屏星

戊子恭順伯吳克忠進封恭順侯都指揮同知吳管者封廣

義伯食祿千石世襲俱吳允誠子

羽林前衛指揮同知吳乜先台為左軍都督僉事克

己丑罷給朝覲官孽牧馬兵部尚書李慶言畿內民困牧馬

請中原及江南諸大省覲吏各給一馬正官牝佐貳官以下

壯太僕苑馬歲課其息虧者同民罰從之已而 上曰非也

使士牧民而責以馬乎遂罷

都指揮鼻鬼里嚴宣都指揮僉事劉聚吳守義俱都督僉事

夜大星色赤見北斗

庚寅權增市肆課鈔

兵部左侍郎孫時老病年老改南京太常寺卿

廣西按察使曹本為兵部左侍郎前工部右侍郎張信為兵


部右侍郎

靖難舊將都指揮使張傑等各補官

國權

洪熙元年

四





勅責交趾叅將陳智方政玩寇之罪

瓦剌賢義王太平貢馬

辛卯遣中官楊琳招諭老樞軍民宣慰司及孟良府土官

平江伯陳瑄充總兵官率舟師運糧北京

夜大星色青白見軫宿

壬辰諭禮部曰比令廷臣展省則有養祭賓客若往還道里  
費官給俸給日用而已計餘貲鮮矣自今一品二品歸賜鈔  
五千貫三品四品四千貫五品二千貫六品七品一千貫八  
品以下皆五百貫著為令

瓦剌安樂王把禿孛羅子貢馬

癸巳祭故工部尚書宋禮諭葬

設繕工官工部左侍郎李友直為尚書專其任右侍郎蔡信

副之并置繕工經歷


甲午復梁毅周瑀馮彬等監察御史 洪武中謫戍

乙未遣諭罕東衛指揮同知綽兒加國師札思巴監藏

丙申夜大星青白光見氐宿又一大星見貫索光燭地

戊戌擢解禎期中書舍人

己亥遣廣西右布政使周幹廣西按察使胡縻福建右叅政





葉春巡行應天鎮江常州蘇松杭嘉湖等府察民利病  
大學士金幼孜歸省

故左春坊左贊善兼翰林院編修長洲王汝玉贈太子賓客  
謚曰文靖賜祭

刑科給事中黃鐘有均罪安置均州

夜大星色赤見軒轅

二月辛丑朔遣中官柴山封琉球國中山王世子尚巴志為琉  
球國中山王

頒制諭各邊將印雲南總兵官太傅黔國公沐晟佩征南將

軍印大同總兵官武安侯鄭亨佩征西將軍印廣西總兵

前

官鎮遠侯顧興祖佩鎮蠻將軍印遼東總兵官武進伯朱榮

佩征前將軍印宣府總兵官都督譚廣佩征朔將軍印甘

肅總兵官都督費瓖佩平羌將軍印交趾叅將榮昌伯陳智

都督方政佩征夷副將軍印寧夏叅將保定伯梁銘都督陳

懷佩征西將軍征


壬寅都指揮使程忠為左軍都督同知都指揮僉事滕定為

右軍都督僉事

癸卯擢劉奎劉雋子陳瑞陳壽子給事中奎戶科瑞兵科

國權 洪熙元年

六





甲辰鑄征下大將軍印

漢王高煦詐次子瞻圻不孝不忠命徙鳳陽

乙巳置武英殿右順門待詔秩從九品

夜大星色赤白見雲中

丁未 上釋奠太學

戊申祭太社太稷奉 太祖太宗配為常

太監鄭和領下番吏卒守南京

工部郎中蘇瓚為右侍郎尚寶少卿張信為司卿瓚素貪鄙

諛品震被薦 上尋悔之

故交陞布政使左右叅政馮貴侯保贈左右布政使

復紀正應天府尹

高遠嗣建平伯 高福子

夜月犯六諸王星

巳酉夜大星色赤見雲中

庚戌鎮江蘇州常州多盜命捕之


許軍民犯笞杖運磚贖罪

賑舞陽縣饑

辛亥大星色赤見五車

國權

洪熙元年





壬子諭士奇曰東宮就學當以大經大法進說其前史非聖道無裨于治者勿陳

甲寅兵部右侍郎張信為錦衣衛指揮同知張輔從兄  
設遷曰少司馬位不薄竟轉環列當時右武故也若今日視緹帥粗人之極致耳

乙卯久旱得雨封大小青龍神名其山曰翠微山禮部歲祭秋仲月祭

丙辰 上祭先農耕籍田  
賑江南睢寧縣飢

丁巳尚寶司卿朱琇為金吾左衛指揮使世秩以守城功  
夜大星色赤見天鈞


戊午國子祭酒蕪翰林院侍講胡儼進太子賓客致仕賜勅  
易州同知裴璉為工部右侍郎通政司尹必用降本司經歷  
右叅議顧謙降知事

太僕寺丞郭崇義詐疾成交趾

夜大星青白光見太微垣五帝內座

南京地震

己未夜大星青白光燭地見天囷又大星見心宿月食土星





庚申蹇義子荃授尚寶司丞

大理寺少卿弋謙言五事頗矯激 上不憚禮部尚書呂震

大理寺卿虞謙交劾之不聽僅免其朝參

賑江南清河縣饑

南京復地震

辛酉遣內官段忠徐亮招諭雲南緬甸麓川木邦宣慰司及

孟定府灣甸州鎮康等處

夜月犯天江星又大星光青白見紫微垣外

壬戌南京地震


癸亥總兵官太子太保陽武侯薛祿左都督吳誠都督同知  
高文程忠都指揮僉事官得馬興等逐于赤城斬百餘人  
生擒十餘人餘遁時遣太保監楊瑛鴻臚寺楊善以酒千餅  
羊百羖勞軍遂益祿歲俸五百石誠等歲俸給本色米十之  
三得興等皆陞賚有差

夜大星色青白見雲中

甲子鑄鎮朔大將軍印

晉王濟熿與平陽王美圭爭連伯灘田各書諭之

乙丑南京地震





丙寅奉先帝主祔太廟

命吏部方面官三考稱職給本身誥二考無過始封贈

夜南京地震

丁卯兵科給事中劉渙鎮交趾不命代輒還謫交趾夷吏

暴風自東南至

戊辰貴州按察使顧佐為通政使

夜大星色青白見宗正

己巳夜南京地震大星色赤見北河又大星色青白見五車

又大星色赤見井宿

三月辛未朔命南京襄城伯李隆運木未過儀真者俱儲龍山

廠勅法司曰人命至重卿等毋深文羅綺大理職評亦毋

畏憚遷合書不云乎欽哉欽哉惟刑之恤哉

召南京前軍都督南知陳翼還中府

壬申前光祿寺署丞權謹為文華殿大學士謹素性最孝友

永樂初薦授樂安知縣奏最轉光祿寺署丞母病躬湯藥勿

効顛天求身代而愈後母年九十終負土封樹廬墓三年有


烏鳴泉湧鬼馴之異上聞之特召入當朝宣誦事狀以示

百官謹辭秩上曰朕之除卿嘉孝以風天下他無責寄

國權

洪熙元年

十





行人司右司副張洪為翰林院脩撰

故兵部尚書劉儁贈太子少傅謚節愍

癸酉五色雲見

賑樂亭縣災

福建左布使顧鴈以贖免

夜大星光青白見雲中又大星赤色見帝座

甲戌清明節僧道追薦 先帝后

故兵部尚書兼詹事金忠贈少師謚忠襄故北京行部左侍

郎馬京贈少傅謚文簡故兵部右侍郎兼少詹事墨麟贈少

保謚恭毅故戶部左侍郎王鍾贈太子太保謚僖敏故禮部

尚書鄭賜左侍郎儀智俱贈太子少師謚賜文安智文蘭故

吏部左侍郎許思溫贈尚書北京行部右侍郎楊泰北京行

太僕寺少卿孫瑜俱贈戶部尚書故北京布政司叅議贈吏

部左侍郎成璉兵部左侍郎盧淵俱贈兵部尚書謚淵恭順

故刑部左侍郎盧祥贈尚書故工部左侍郎陳壽右侍郎鄭

剛北京行部左侍郎康汝楫通政賀銀俱贈工部尚書謚使


壽敏肅故應天府丞張執中贈府尹故北京行部尚書朱濬

謚榮愿遣祭陳壽皆先朝舊勞 上念之曰謚定論也勞如

國權

洪熙元年

土





賀銀堪贈不堪美謚予惡謚不若無

夜大星青白光見角宿又大星色赤見于騎軍

南京地再震

乙亥山東布政司左叅政俞士吉為詹事府詹事

賑山東任邱縣饑

夜有大星三色青白一見翼宿一見屏內一見天市西垣

丙子命外官滿三考聽省親展墓

湖廣藍山縣盜起命率兵捕之

丁丑冊敬妃張氏 張輔之女

勅群臣曰朕數詔求言異臣不逮即位以來臣民上章數百計莫不欣然聽納其有未當未嘗加譴問者大理少卿弋謙言過矯激朕一時不能槩之于衷而群臣或迎朕意奏其賣直朕免謙朝叅言者益少未嘗不自愧今爾群臣勿戒前事謙出朝叅如故


設遷曰 仁宗樂聞讜言鞞鐸四布于弋謙免朝僅几何時即揣合時望引以自愧諫鼓謗木休風遠紹而三楊蹇夏倚毗尤切似無一言及之幸天聽之能早也

賑南和縣饑

國權

洪熙元年

十二





夜南京地震

戊寅賑連城縣饑

復徐景昌定國公徐長孫嗣魏國公賜名顯宗 徐欽之子

夜南京地震

己卯賑浙江黃岩縣饑去年大水漂五百餘家溺八百人

夜南京地震

庚辰故贈崇國公謚忠顯張玉追封河間王改謚忠武加贈

榮國恭靖公姚廣孝少師

五色雲見夜南京地震

辛巳華陽王悅燿來朝

南京地震

壬午通政司李嘉戶科給事中艾廣俱奏對不實降交陞按

察司知事

癸未命徐顯宗入太學諭國子司業貝泰曰此開國元裔欲

其家同國久必令奉法循理孝若忠顯宗孤子也加意誨之

使長不失其祿位因賜鈔幣


夜南京地震

甲申賑山東鉅鹿縣饑

國權

洪熙元年

十三





夜月犯平道星南京地震

乙酉夜金星犯昴宿南京地震

丙戌漢王欲賀萬壽節書止之


南京地震夜有二大星色赤光燭地一見近尾一見營室

丁亥詔曰刑以禁暴止邪豈專誅殺哉 皇祖律令善長而惡惡短罰之輕重咸適厥中吏比附謬妄傳致死罪朕深閔之夫五刑之條莫甚大辟身首異處斯已極矣自今有犯死當凌遲者依律科決餘斬絞罪法司並勿傳會若朕嫉惡偶過律外用籍沒凌遲刑法司再三執奏三不允至于五

不允同三公大臣執奏允乃已永為制文武諸司自今亦不許法外用鞭背等法尤不許宮人以絕嗣宮求用者絕其祖宗父母幸富貴豈有心事君今有自宮者以不孝論人之為非父子不相謀是以舜罰弗嗣文罪不孥自今犯謀返大逆者依律連坐餘止其身古之盛時採民言資戒警今凶險之徒據為誹謗一言涉國輒呈此名法吏刻深鍛鍊刑之失中民則無措今後告誹謗者一切勿治

南京地震夜有大星色青白光燭地見于氐宿

戊子遣中官往朝鮮祭故光祿寺卿權永均賜其家金二百





綵幣十雙

隆平縣饑時柏鄉縣倉中多貯官麥有司奏請以貸之 上

曰民饑即亟賑毋曰貸

夜南京地震

己丑趙王高燧之國河南彰德

夜南京地震

庚寅太子太保陽武侯薛祿為鎮守朔大將軍總兵官率師

巡開平大同

遣中官洪孜勅賜車里靖安宣慰使刀雙及八百大甸軍民

宣慰使刀招綵幣

賑山東泰安州萊蕪等縣災民

辛卯召廣西總兵官都督任禮

安平伯李安為交趾叅將

壬辰和寧王阿魯台貢馬

廣西蒙顧洞賊作亂勅顧興祖討之

罷市徐州等處羊毛或自南京來 上召至榻前問民所苦


對曰過徐苦買羊毛立罷之

癸巳夜大星青白光軫宿月犯十二國代星南京地震

國權

洪熙元年

十五





甲午賑薊州新寧縣饑民

夜大星色青白見天市東垣外南京地震

乙未召鎮守大同後軍都督僉事沈清還命都指揮使曹儉為叅將佐鄭亨

賑山東平度州蓬萊縣饑

五色雲見

丙申金鄉忠壯侯王真贈寧國公

中書舍人姚繼為尚寶司卿姚廣孝之養子

丁酉都督山雲充游擊將軍率兵巡薊州永平山海

翰林學士楊溥為太常寺卿兼學士

浙江長興賊平

夜大星色青白見漸臺

戊戌加北京諸司曰行在復建北京行部及行後軍都督府上時決意復都南京也

定國公徐景昌領北京行後軍都督府

南京兵部尚書張本工部尚書李友直右侍郎裴璉蘇瓚俱


調北京行部右侍郎李昶刑部右侍郎金庠俱北京行戶部

部左侍郎禮部左侍郎胡濙為太子賓客兼南京國子祭酒

國權

洪熙元年

共





草繕工官事歸于兵部

夜南京地震

已亥後府都督同知張昇為左府左都督

四月庚子朔享太廟河間忠武王張玉東平武烈王朱能寧國忠壯公王真少師榮國恭靖公姚廣孝配享于 太宗廟

設遷曰河間東平佐命之功偉矣王真雖驍將効元戎之任淺恭靖異類比于十亂待典畢散諸人色赧也大蒸重典必求其無可議者如張英公張隆平虛其位以待

順天府尹甄儀為行在兵部左侍郎


勅責山海永平總兵官遂安伯陳英及都指揮陳景先以縱寇疎防之罪

甘肅總兵官都督費瓌奏送降胡家屬赴京又婦女二十七人俟後至命瓌即送至爾付託尤專而懦弱不振低肩俛首受制于人大丈夫固若是乎蓋瓌聽中官指使也

辛丑江南武進主簿鄭溱為行在禮科給事中

夜大星青白光見雲中

壬寅有至自南者 上問所過民安否對曰淮徐山東饑有司急夏稅召問少師蹇義對如之遂召楊士奇等命草詔免






之併秋糧官買物料一切停罷士奇曰請使工戶二部臣與  
聞之上曰有司慮國用必持議不決採民之窮不可遲疑  
時上坐西角門命士奇等就西角樓起草士奇草詔曰朕  
夙夜憂民弘詔下隱山東諸郡及于淮徐連年旱澇今秋成  
未與民凍餒呻吟流于道路郡縣不畜心父母耶可全免今  
歲夏稅其秋糧減半徵收自今年四月以來一應收買及料  
派物料未到官者盡行停罷若實無見物無虛報在官者宥  
不問不許再科以足其數諸郡縣撫緝安養毋貪利重困之  
上曰善立書詔用寶顧楊士奇曰今可語二部矣

設遷曰蠲租停徵俱戶工二部關白其事 仁宗收：民  
隱惟沮格之是懼一聞疾苦立賜德音直與民同患不媿  
父母天下之責矣

瓜哇國王楊惟西沙入貢

上聞中官採木四川之橫諭行在大理寺右少卿弋謙曰爾  
為朕治朕自知爾毋畏陞行在右副都御史賜鈔千貫以行  
召鎮守定州都督僉事馮興還

設北京行都察院置右副都御史左僉都御史分盧龍恒南  
冀北廣平四道





壬寅有言邊將不設備遂勅戒各總兵官及鎮守曰常年備  
下皆以秋冬春夏則懈下難常也宜謹備之

夜有二大星色青白見雲中

癸卯漢世子瞻坦及諸子並來朝

後軍都督卒僉事謝芳卒芳壽州人會州衛指揮使從靖難

夜火星入鬼宿又大星色青白見酒旗

甲辰勅各邊將以天象有暴兵嚴為備

大名府饑發長垣縣倉穀賑之

夜大星色赤見翼宿

乙巳嚴鈔法


南京地震

丙午賜皇太子書曰朕惟祖于孫父子親愛天下莫之加  
焉而惟明所以長保富貴壽康之道以期之者聖人之心也  
爾朕嫡長子我皇考鞠育提訓隨事示之永樂甲辰春親  
征北下車駕將發子孫咸在顧爾謂朕古之令主盤盂劍几  
皆有警銘人主之道莫大中正吾欲以人主中正四字製寶  
師還爾俾爾勉焉不幸賓天今皇太子屬爾謹製爾授爾懋  
敬之敬其內以慎其外隆古帝王傳授盡此爾懋敬之

國權

洪熙元年

十九





是月封皇女嘉興公主慶都公主清河公主真定公主延平

公主德慶公主

南京地震

丁未夜南京地震

戊申命華陽王悅燿居武岡州以得戾于父也

安徽安慶府推府姚震為監察御史

順天薊州山海都指揮以神銃追敗之

四川弘農衛經歷汪景明寶坻縣丞王紹俱復監察御史

前戶部右侍郎李文郁為通政司左叅議刑部郎中李驥吏

科給事中羅亨信工科給事中周岐後工部主事丁璿四川

按察僉事韓克忠開州知州張衢州通判唐舟鞏昌知縣

臧性並為監察御史南樂知樂呂文質為吏科給事中

行在錦衣衛指揮使王節遣官捕盜于濟寧儀真鎮江等處


夜南京地震

己酉賑鄭許鈞汝延津杞襄城汜水考城臨潁通許太原永

城鄆城原武扶溝河陰登封盧氏孟津魯山南陽邙河內武

陟西平遂平饑

夜月犯內屏星





庚戌諭禮部曰南士善文北士厚重今科舉所進北得十一  
焉其定議南士六之北士四之時鄭重審理正俞廷輔言科  
舉不得人乞有司訪通今博古端重年二十五以上許入試  
上是之

昌邑邢臺饑賑之

壬子皇太子往祭 孝陵留守南京


加贈故文淵閣大學士兼左春坊大學士贈禮部尚書謚文  
穆胡廣少師遣祭賜其家

甲寅 上念舊勞賜少師兼吏部尚書蹇義少傅兵部尚書

兼華蓋殿大學士楊士奇銀章蹇忠貞印楊貞一印令藏于  
家時侍 上上日夜見玄象否皆曰未見亦不知 上曰士  
奇當知之紫微垣甚急命矣歎息起明日召義士奇至奉天  
門曰監國二十年構于讒慝心之艱危吾三人共之上賴  
皇考仁明得已保全言已泣然義士奇亦流涕曰 先帝之  
賜 陛下純誠之効今已脫險即夷 陛下自寬 上曰即  
吾去後誰知吾三人同心一誠各賜印

乙卯 上發京師

夜大星色青白見太微垣





丙辰夜金星犯井宿

戊午祭長陵

夜大星色赤光見勾陳月犯狗星

己未還宮

庚申行在後軍都督僉事沈清指揮僉事李敬鎮守居庸關

南京地震

辛酉前遼東都指揮使齊安卒安壽州人從靖難有功賜祭

癸亥高澤為行在兵科都給事中前鎮原教諭回事坐成

賑大名府長垣縣饑

漢府紀善李遜以離間伏誅

夜有大星色赤見心宿光燭地又一大星色青白見于天屏

甲子山西大同總兵官武安侯鄭亨奏遣高山等四衛吏卒

屯守大同上以屯種已入土若移則盡棄且各衛距大同

亦甚遠縱趣之行亦中夏非農期徒然彼此失業勅責之

北京行部尚書張本入朝改行在兵部尚書

涑水主簿彌堅為吏科給事中

丙寅以岷王居武岡改華陽王居澧州

琉球國中山王尚巴志入貢

